

陸放翁詩鈔


鮫

柳田文庫

文庫11

D 220

1



新妖龍窟  
 卷之三  
 全選

此乃主觀  
 龍窟子

文庫11

D 220

1

...  
 ...  
 ...  
 ...  
 ...  
 ...  
 ...  
 ...  
 ...  
 ...

010190556676

周之麟雪蒼  
柴升錦川  
全選

# 陸放翁詩鈔

北山先生閱  
嵩山堂梓

柳田泉文庫

刻放翁詩抄序

北山山本信有撰

水有淵源則下流多而洪。驪龍潛  
焉玄珠生。寫作詩亦然。南宋陸放  
翁於詩受業於曾茶山茶山。出  
於黃山谷。山谷淵源於東坡。夫江源  
之細。僅濫觴。且猶至于江津。不  
避風則不可涉也。况於其源遠。

於渺茫滔天星宿海一潛一顯千里一曲經九千里而至于河梁縣水數十仞魚鼈龜鼉不能居不能道者乎東坡者大海波濤也其造語神出鬼沒非常人所能品測也山谷去萬里長流千尺深底珊瑚琅玕縱橫繁爛自非通天燭之身不能見其真狀也及宋偏安詩亦甚

蕭獨放翁併承蘇黃淵源之下流與蕭揚范尤並起注泓弟吹藏龍珠握明月光芒所射雲山成章砂礫紫彩今茲庚申夏子與天氏兄僅取清周雪蒼素錦川放翁詩抄相會謹錄陰茶寮將奉集以下劍南詩抄放翁詩選前後集雙言校旁及宋詩紀事宗

詩抄瀛奎律髓等凡有放翁詩者焉然校書如掃落葉隨掃隨在還是讀書境一快事也蓋三子之全校以居此樂境其披梓琺逐此樂趣耳昔者如選陸清大羅橋所選放翁詩選前集十卷劉辰翁所選後集八卷是也二人皆有名士而去放翁未遠故其選亦不佳然

是時劍南詩稿不數于世故二子得詩甚少其所選僅是所謂河伯望洋者也何以得窺海若之居之水端耶附別集一卷不知何人撰蓋明人撫瀛奎律髓中放翁詩句成之我邦坊間有刻本不足甚重焉若鶴芝田劍南詩抄雖名寓鈔錄放翁詩實寄于懷明

之志深者於放翁欲恠復之氣發  
于詩詞之中故其撰錄取憤激之  
辭不專要適于詩者軌換矣折不  
若放翁詩抄專為詩人役志之善  
也是所以不取彼夥而洪取此簡也  
約可以游于淵源而校訂翻刻也

庚申嘉平月米菴河之次書



荆陸放翁詩抄序



宋之於詩善學唐而不敢下於唐也豈  
不敢下乎至興雄者將直起無焉何必  
尊唐斥宋以劉覽不遺而後為善學詩  
者矣宋孝宗問當代誰為李太白者廷  
臣以陸放翁對李誠作家也然非老杜  
敵古來以李杜並稱恐非至當言以予  
評之將以杜許陸焉兩宋雖富詩人放  
翁為之最矣人舉推蘇東坡者以南宋  
詩人多出其支分派裂也如陸之渾和

友翁詩鈔序  
又蘓之所乏也。可謂出於藍而青於藍  
矣。自明人散以異調律於天下。人皆尊  
唐斥宋。詩之天地始分一大鴻溝。幸有  
二三識者力拯其弊。猶且餘調綿二不  
絕。我邦百季來。斯調頗盛。然人爭與  
氣連移化。人人漸知其非也。豪傑士棄  
其舊。斷然新之謀。懦弱者安於所習。而  
不能自奮。猶且唐云明云。未知天意人  
爭將復新也。予素藏南宋四名詩抄。山  
本公行。大窪天民。嘗請刻之。余乃出贈

曰。余固好詩。然一生大業。不在於斯小  
枝。夫詩以振起後進者。二子與當之二  
子。攜歸先謀刻。陸居無幾。陸刻卒業。乃  
求序於余。展而觀之。北山先生既序。余  
又何言。唯以與原本出於余也。乃有不  
可已者。嗟夫。世之唐云明云者。初觀  
此詩。則以為怪。再而慣。二而為常。屢柔  
不覺。久之。人真詩境。然後當知宋之果  
不下於唐。而余之言亦不左矣。如其餘  
三家詩抄。將行刻。二子之功。亦居多哉。

享和辛酉夏五月

南陽山人山本龍撰



天游道人松倉靜書



序

而雅

吾浙風雅之派源於吳興自是以還代多作者越自宋  
 室渡江騷壇角立放翁先生實以詩為紹興後冠冕當  
 孝皇時問當代誰為李太白者廷臣以先生對馳譽標  
 聲真不意近在左右矣今讀其全集知先生於詩獨力  
 大者鏗鏘細者喁喁樂者于于憂者惻惻大約身之所  
 歷目之所寓夢寐之所懷思靡不有作日有課月有程  
 逮年八十餘不少廢故為詩以萬計前此詩人未有也  
 夫固已耽之矣而且出外就閒為州別駕者五奉崇道  
 玉局武夸佑神祠者四其他出入禁籞又率為文章侍



從之官故得浸淫奔放于詞翰之中以遂其蕭騷放浪  
 不溺不淄之樂所著有劔南詩藁手自編次者也又劔  
 南詩續稿命其子編次者也凡為卷八十有五又其舊  
 所遺者七卷題曰逸藁詩居半焉亦其子所輯湖南毛  
 君謂從史籍載記及稗官野史摭摭而成殆成於其子  
 而更加哀集者也因先生所手刪未遑鈔板然為書已  
 二百頁若先生者著述為最勞其為傳後計最深遠固  
 南宋詩人之偉豈得私之吾浙謂為照耀江東已哉

錦川氏題



序

古來詩人富於詩者莫如渭南或謂其語多重沓摠情  
 貌景不能遠攬窮搜而僅工於體物是將以萋萋之織  
 沒作述之苦心耶夫樂無定聲而務和其節繪無定狀  
 而期肖其形渭南之詩惟其意之自得耳其志存宕故  
 于節也和其思刻苦故于形也肖當其細入毫芒幽窮  
 影響固隱如風雨之集而莫測其端而隊仗鮮明冠服  
 偉麗時又何嘗不如西山校射獵騎千羣別館張筵從  
 官百輩乎且獨不見夫惓惓憂國之詩耶自夫神京陸  
 沉偷安南渡渭南以一書生蒿目當塗鸞弧躍馬之思

放翁詩集 周序

既老不釋觀于家祭無忘之語千秋而下亦為長慟此  
其用心與子美何以異詩云爾哉若其詩之前後錯出  
譬之深山大澤包含者多不暇剪除蕩滌豈如守半畝  
之宮一木一石可屈指計數而顧欲以此傲彼乎舉今  
世皆俎豆陸詩余何庸辨而芟多即寡差謂與作者之  
意不大謬云

雪蒼氏題



放翁先生詩鈔

清 周之麟 雪蒼

全選

日本

大窪行 詩佛

全校

柴升 錦川

山本謹 公行

五言古

別曾學士

兒時聞公名謂在千載前稍長誦公文雜之韓杜編夜  
輒夢見公飲若月在天起坐三嘆息欲見亡繇緣忽聞  
高軒過驩喜忘食眠袖書拜轅下此意私自憐道若九  
達衢小智忘鑿穿所願瞻德容頑固或少痊公不謂狂  
疎屈體與周旋騎氣動原陞霜日明山川鞬繫不得從



瞻望抱悵悵畫石或十日刻楮有三年賤貧未卽死聞  
道期華顛他時得公心敢不知所傳

寄酬曾學士學宛陵先生體比得書云所寓廣教  
僧舍有陸子泉每對之輒奉懷

庭中下午鵲門外傳遠書小印紅屈蟠兩端黃蠟塗開  
緘展矮紙滑細疑卵膚首言勞良苦後問逮妻孥中間  
勉以仕語意極勤渠字如老瘠竹墨淡行疎疎詩如古  
鼎篆可愛不可摹快讀醒人意垢穢逢爬梳細讀味益  
長炙轂出膏腴行吟坐臥看廢食至日脯想見落筆時  
萬象聽指呼亦知題詩處緣井石髮粗公閒計有客煎

茶置風爐倘公無客時濯纓亦足娛井名本季疵思人  
理豈無居然及賤子媿謝恩意殊幾時得從公舊學鋤  
荒蕪古文講聲形誤字辨魯魚時時酌井泉露芽奉瓢  
盃不知公許否因風報何如

將離江陵

算算過渡頭旦旦走隄上舟人與關吏見熟識顏狀癡  
頑久不去常恐遭誚讓昨日倒檣干今日聯百丈買薪  
備雨雪儲米滿瓶益明當遂去此障袂先側望卽公孟  
冬月波濤幸非壯潦收出奇石霧卷見巖嶂地嶮多崎  
嶇峽束少平曠從來樂山水臨老愈跌宕皇天憐其狂

擇地令自放，山花白似雪。江水綠於醲，竹枝本楚些。妙句寄悽愴，何當出清詩。千古續遺唱。

夜行至平羌憇大悲院

憶昨遊天台，夜投石橋宿。水聲亂人語，炬火散山谷。穿林有驚鶻，截道半奔鹿。今夕復何夕，此境忽在目。蒼茫陂十里，清淺溪數曲。微霜結裘茸，落葉拂帽屋。下馬憇村寺，頽然睡清熟。覺來窗已白，殘燈猶煜煜。

塞上曲

三尺鐵如意，一枝玉馬鞭。笑把出門去，萬里行無前。當道何崔嵬，云是玉門關。方當置屯守，征人何時還。馬色

如雜花，鏡光若流水。肅肅不敢譁，遙望但塵起。日落戍火青，烟重塞垣紫。回首五湖秋，西風開芙蓉。

月下作

畏暑不巾襪，步月櫓短筇。瘦身髮鬢昏，顧影如孤松。徑幽螢闖開池漲，魚唼噉飛泉穿北垣。珠玉相撞春東湖，更奇絕百畝銀初鎔。但能抱琴往絕恨，欠鶴從重露傾荷盤。微風墮芙蓉，歡言美清夜。縹緲吹疎鐘，空中飛仙人粲然。冰雪容笑我老塵世，不記瑤臺逢。

遊學射山遇景道人

肩輿適青郊，飛屐登翠麓。餘霜未泫瓦，晨日初掛木。推

門覓黃冠避客，似舞鹿雖無與晤語。清坐意亦足，豈知  
逢此士曠度超世俗，欣然同一笑。齒頰粲冰玉，探囊贈  
奇草。甘香勝芎菊，試臨清鏡照衰髮。森已綠，出門恣幽  
討。老仙有遺躅，丹竈雖已空。藥丸遍山谷，嗟予迫遲暮。  
冠蓋厭追逐，結茅遠人境。此計亦已熟，若人真我友。玉  
字當共讀，客來不知處。雞犬望雲屋。

數日寒頓減，頗有春意。感懷賦短歌。

微陰寒不力，破臘春暗動。林梢報梅白，水際聞鳥哢。翳  
鴻漸整翮，一勞目送應憐飛。蓬客猶作浣花夢，平生  
江淮間，裘馬事豪縱。豈知老畏死，齋鉢受蔬供。忍饑每

自笑小飲未敢痛，何以慰寂寥。臥聽壓春響。

夜讀唐諸人詩多賦烽火者，因記在山南時登城。

觀塞上傳烽火追賦一首

我昔遊梁州，軍中方罷戰。登城看烽火，川迴風裂面。青  
燄並駱谷，隱翳連鄠縣。月黑望愈明，雨急滅復見。初疑  
雲罅星，又似山際電。豈無酒滿尊，對此不能饑。低頭媿  
虎旅，零落白羽箭。何時復關中，却照甘泉殿。

廣都江上作

微波不搖江，纖雲不行天。我來倚杖立，天水相澄鮮。平  
遠望不盡，日落自生烟。梅花耿獨立，雪樹明前川。好風

蘇本集  
作

吹我衣，春色已粲然。東邨聞酒美，買醉上漁船。

別後寄季長

俗子俗到骨，一揖已溷人。不知此曹面，何處得許塵。我  
非作崖壑，汝自不可親。道途逢使君，令我生精神。頓增  
江山麗，更覺風月新。對牀得晤語，傾倒夜達晨。亟起忘  
縛袴，小醉或墮巾。繚出錦城南，問訊江梅春。煎茶憇野  
店，喚船截烟津。淒涼弔廢苑，蕭散誇間身。莫歸度略行，  
月出，水鱗鱗。思君去已遠，此會何由頻。

訪青社劇屨借景亭蓋山谷先生舊遊也

造朝卜白帝，弔古遊青神。城頭三間屋，聊得岸我巾。元

祐太史公世寧有斯人，瘴烟侵玉骨。老作宜州民，至今  
杖履地來者，猶酸辛。密竹翦已空，喬木亦半薪。陂池獨  
渺然，中有鷗鷺馴。人生能自足，一尉可終身。三嘆下城  
去，振袖春江津。

思歸

平生無宦情，方外久浪迹。往來梁益間，一笑頗自得。花  
穠錦城酒，月白瞿唐笛。咿啞下江艖，跌宕登山屐。巴東  
烟雨秋，渭上風雪夕。至今客枕夢，萬里不能尺。誰知建  
安城觸目，非夙昔。冥冥瘴霧細，歛歛蠻江碧。出門無交  
朋，嗚呼吾何適。歸哉故山路，詎必須暖席。

初秋夢故山覺而有作

杜宇真吾交，勸去恨不速。忠告輸肝肺，厚意均骨肉。隨  
哉鷓鴣語，揣我貧念祿。竹鷄更鄙淺，泥淖憂車軸。秋風  
巖瀨清，春雨戴溪綠。行矣勿復疑，照影巾一幅。

天王廣教院在載山東麓，予年二十餘時與老僧  
惠迪遊，略無十日不到也。淳熙甲辰秋觀潮海上，  
繫舟其門，曳杖再遊，恍如隔世矣。

遊山如讀書，深淺皆可樂。道邊小精舍，亦自一丘壑。淒  
涼四十年，始復重著脚。老僧逝已久，講座塵漠漠。當時  
童子輩，衰鬢亦蕭索。掃壁觀舊題，歲月真電雹。文章甲

不集紫  
上春偶  
字紫作

不傳衣食舊如昨，出門意惘然。遼海渺孤鶴

晚涼登山亭

庭空葉飛秋，村迥鳩喚雨。新涼入巾褐，老子顛欲舞。憑  
高望稽山，秀色溢天宇。一鏡三百里，水落分別浦。淒涼  
弔禹穴，秦漢未為古。世俗誰與歸，吾其老農圃。

枕上

守書眼欲閉，投枕乃瞭然。兒曹戒曳履，相語翁正眠。豈  
知擁敗褐，炯如寒魚鱗。少時笑老人，其事今好還。蕭蕭  
雙白鬢，忽忽七十年。豈惟老態出，已覺衰病纏。白晝尚  
便靜，况此清夜闌。妙處殆難名，睡與不睡間。

夜觀嚴光祠碑有感

我昔過釣臺峭石插江淥登堂拜嚴子抱水薦秋菊君  
看此石字何地著榮辱雒陽逢故人醉脚加其腹書生  
常事爾乃復駭世俗正令爲少留要非昔文叔平生陋  
范曄瑣瑣何足錄安得太史公妙語寫高躅

東西家

東家雲出岫西家籠半山西家泉落澗東家鳴珮環相  
對籬數掩各有茆三間芹羹與麥飯日不廢往還兒女  
若一家雞犬意自閒我亦思卜鄰餘地君勿慳

溪上小酌

岸憤出籬門投竿俯溪瀨魚聚忽千百鳥鳴時一再新  
涼社瓮香亦有雉兔賣歡言洗杯酌又破止酒戒

老態

齒如強留客雖住無久理日如新募兵臨敵鳥可使齒  
廢疎梁肉日澀屏書史浮世真幾何老態遽如此啜粥  
習安坐用短亦自喜作詩記吾衰聊用調穉子

東岡

東岡竹千竿大者圍過尺微風生其間蕭蕭憂寒碧我  
閒適一到散髮坐磐石萬事不累心清歡遂至久此君  
本傲世獨我有夙昔老情恐作踈時來寓琴奕



山行

山光秀可餐，溪水清可啜。白雲映碧空，突起若積雪。我行溪山間，靈府為澄澈。峻嶒崖角立，蟠曲路九折。黃楊與冬青鬱鬱自成列，其根貫石罅，橫逸相糾結。上捫鵬鵠巢，下歷狼虎穴。流泉不可見，鏘然響環玦。出山日已暮，林火遠，明滅小憩得樵家。題詩記幽絕。

五更聞雨思季長

幽篁鳴姑惡，高樹號杜宇。驚回千里夢，聽此五更雨。展轉窗未明，更覺心獨苦。天涯懷故人，安得插兩羽。

薄暑

根本集  
作詩

仲夏暑尚薄，孤村日尤長。僧坊初施浴，行路亦饋漿。老我絕人事，終日坐虛堂。南北兩松棚，細細吹清香。堂中無長物，獨置湘竹床。我睡僕亦休，睡覺誰在傍。起坐拭兩背，小山鬱蒼蒼。安得烏有生，俱老無何鄉。

飯後登東山

飯已茶未成，褰裳步山徑。雖云筋力衰，拄杖猶濟勝。天高樓堦麗，霜落溝港淨。豈惟野實丹，已覺林筍迸。井桐亦強項，葉脫枝愈勁。啼鳥久不去，將無助幽興。盤紆穿翠谷，欹仄下危磴。所嗟無客來，誰與持麈柄。

雙蝶

庭草何離離，清晨露猶濕。草頭兩黃蝶，爲我小佇立。秋  
光亦已晚，行見霜霰集。方春不盡狂，汝悔尚何及。吾生  
更堪笑，去日如電急。功名竟何在，惆悵劍峯澗。

山行

五尺桄榔杖，二寸楸櫟冠。往來山谷中，髮白面渥丹。初  
非乳石力，所得懷抱寬。入寺不尋僧，自愛松風寒。松風  
晚少靜，我意殊未闌。却尋歸邨路，白石明青灘。

夜坐憶劍谿

早睡苦夜長，晚睡意復倦。歛膝傍殘燈，拭背展書卷。時  
時搔短髮，稍稍磨凍硯。更闌月人戶，皎若舒白練。便思

泛樵風

溪名

次第人剡縣，名山如高人。豈可久不見

奇了虞

汝官南壽春，我居東會稽。疋馬護秋塞，兩犢翻春泥。淮  
天沙雁過，江村雪雲低。書來動半年，相望常愴悽。父子  
不共畊，此悔真噬臍。明年城西社，爛醉相扶攜。

稽山

我識康廬面，亦撫終南背。平生愛山心，於此可無悔。晚  
歸古會稽，開門與山對。奇峰縮鬚鬢，橫嶺掃眉黛。豈亦  
念孤愁，一日變萬態。風月娛朝夕，雲烟闔明晦。一洗故  
鄉悲，更益吾廬愛。東偏得山多，寢食鮮不在。寧無度世

人談笑見英槩御風倘可留爲我傾玉壺

放言

酒熟固可喜酒盡亦陶然有客則劇談無客枕書眠  
飢噉羹不糝閒玩琴無絃摘嗅砌下花樹弄澗底泉啄木  
抱蠹拊搏黍鳴黍顛欣然爲一笑世故何足措無人罵  
鄭虔亦無嘲孝先回顧三角童吾與汝忘年

九月四日雞未鳴起作

放翁病過秋忽起作醉墨正如久蟄龍青天飛霹靂雖  
云墮怪奇要勝常悶默一朝此翁死千金求不得

乙巳秋莫獨酌

山陰老道士寄情魚鳥中幽戶綠蘿月孤舟白蘋風豈  
無小瓮熟尊杓誰與同邂逅得知心一見歎猶龍  
湖中有隱士或謂千歲人大兒嚴子陵小兒賀季真姓  
名莫能知况可得疎親有竿不釣魚秋晚香粳新

Blank page with vertical lines for text.

放翁先生詩鈔

清 周之麟 雪蒼 全選 日本 中野正興 子興 八校

柴升 錦川 大窪行 天民

七言古

喜小兒輩到行在

阿綱學書蚓滿幅阿繪學語鸞轉木截竹作馬走不休  
小車駕羊聲陸續書窗苑壁誰忍嗔唬啼也復可憐人  
却思馬飲江水敢道春風無戰塵傳聞賊棄兩京走  
列城爭為朝廷守從今父子見太平花前飲水勿飲酒

閏二月二十日遊西湖

本集思  
下有胡

西湖二月遊人稠，鮮車快馬巷無留。梨園樂工教坊優，絲竹悲激雜清謳。追逐下上莫始休，外雖狂醒樂則不。豈知吾曹淡相求，酒肴取具非預謀。青梅苦筍助獻酬，意象簡樸足鎮浮。尚慙一官自拘囚，未免疋馬從兩騶。南山老翁亦出遊，百錢自挂竹杖頭。

上巳臨川道中

二月六夜春水生，陸子初有臨川行。溪深橋斷不得渡，城近臥聞吹角聲。三月三日天氣新，臨川道中愁殺人。纖纖女手桑葉綠，漠漠客舍桐花春。平生怕路如怕虎，幽居不省遊城府。鶴軀苦瘦坐長飢，龜息無聲惟默數。

如今自憐還自笑，歛版低心事年少。儒冠未恨終自誤，刀筆最驚非素料。五更欹枕一悽然，夢裏扁舟水接天。紅葉綠芰梅山下，白堍朱樓禹廟邊。

雨霽出遊書事

十日苦雨一日晴，拂拭拄杖西邨行。清溝泠泠流水細，好風習習吹衣輕。四隣蛙聲已闕闕，兩岸柳色爭青青。辛夷先開半委地，海棠獨立方傾城。春工遇物初不擇，亦秀燕麥開蕪菁。薺花如雪又爛熳，百草紅紫那知名。小魚誰取置道側，細柳穿頰危將烹。欣然買放寄吾意，草萊無地蘓疲氓。

夜聞松聲有感

本集流  
作留又  
將作粹

清晨放船落星石，大風吹颿如箭激。回頭已失廬山雲，  
却上吳城觀落日。夜深龍歸擘祠門，入木數寸流爪痕。  
明朝就視心尚慄，腥風卷地雷霆奔。歸船買酒特自慰，  
性命平生驚屢戲。固知神怒有定時，波紋蹙作魚鱗細。  
如今衰病臥林垌，霜覆茆簷月滿庭。松聲驚破三更夢，  
猶作當時風浪聽。丙戌七月自京口移官豫章冒風濤  
自星子解舟半日至吳城山小龍廟

滄灘

本集半  
上有不  
字

百夫正謹助鳴鑼，舟中對面不得語。須臾人散寂無譁，  
唯聞百丈轉兩車。嘔嘔啞啞車轉急，舟人已在沙際立。

勸南詩  
鈔經作

霧斂蘆村落，照紅雨餘漁舍。炊烟溼故鄉回首，已下山  
上峽。初經第一灘，少年亦慕宦遊樂。投老方知行路難。

書驛壁

猿叫舖前雪欲作，鬼門關頭路正惡。泥深三尺馬蹄弱，  
霜厚一寸客衣薄。朝行過棧算渡竿，夜投破驛火煜燭。  
人生但要無媿怍，萬里竄身元不錯。

岳池農家

春深農家耕未足，原頭叱叱兩黃犢。泥融無塊水初渾，  
雨細有痕秧正綠。綠秧分時風日美，時平未有差科起。  
買花西舍喜成婚，持酒東隣賀生子。誰言農家不入時。

小姑畫得城中眉，一雙素手無人識。空村相喚看縑絲，  
農家農家樂復樂，不比市朝爭奪惡。宦遊所得真幾何，  
我已三年廢東作。

東山

今日之集何佳哉，入關劇飲始。此回登山正可小天下，  
跨海何用尋蓬萊。青天肯爲陸子見，妍日似趣梅花開。  
有酒如涪，絲可愛。一醉直欲空千壘，馳酥鷺黃出隴右。  
熊肪白玉黔南來，眼花耳熱不知夜。但見銀燭高花摧，  
京華故人死大半。歡極往往潛生哀，聊將豪縱壓憂患。  
鼓吹動地，聲如雷。

白五本  
真作五

凌雲醉歸作

我朔月入平羗水，歎息吾行俄至此。謫仙去五百年，  
至今醉魂呼不起。玻瓈春滿琉璃鍾，玻瓈春眉州酒名宦情苦。  
薄酒興濃飲如長鯨渴，赴海詩成放筆千觴空。十年看  
盡人間事，更覺麴生偏有味。君不見蒲萄一斗換得西  
涼州，不如將軍告身供一醉。

嘉陽官舍奇石甚富，散棄無領略者。予始取作假

山因名西齋曰小山堂爲賦短歌

昔人何人愛巖壑，爲山未成儲犖确。散落支牀壓酒槽，  
大或專車小拳握。幽人邂逅爲絕嘆，修綆趣取寒泉濯。

峭峯幽竇相吐吞，翠嶺丹崖渺聯絡。石不能言意可解，  
問我胡爲憐寂寞。人間興廢自有數，昔棄何傷今豈樂。  
斯言妙矣子則陋，敢對石友辭罰爵。爲君寬作十日留，  
在眼便同眞著脚。

玻黎江

眉州共飲亭，蓋取東坡共飲玻黎江之句，追懷舊遊，戲作以補西州樂府。

玻黎江水千尺深，不如江上離人心。君行未過青衣縣，  
妾心先到峨眉陰。金樽共酌不知曉，月落烟渚天橫參。  
車輪無角那得住，馬蹄不方何處尋。空憑尺素寄幽恨，  
縱有綠綺誰知音。愁來只欲掩屏睡，無奈夢斷聞疎砧。  
古樂府安得雙車輪，一夜生四角。唐人詩云長安塵土中馬蹄圓重重，郎馬蹄不方何處認郎蹤。

成都行

倚錦瑟，擊玉壺。吳中狂士遊成都，海棠十萬株繁  
華盛麗，天下無青絲金絡白雪駒。日斜馳遣迎名姝，燕  
脂褪盡見玉膚。綠鬟半脫嬌不梳，吳綾便面對客書。斜  
行小草密，復踈墨君秀潤瘦。不枯風枝雨葉筆筆殊，月  
浸羅襪清夜徂。滿身花影醉索扶，東來此歡墮空虛。坐  
悲新霜點鬢鬚，易求合浦千斛珠，難覓錦江雙鯉魚。  
十月十九日與客飲，忽記去年此時自錦屏歸山  
南道中小獵，今又將去此矣。

去年縱獵韓壇側，玉鞭自探南山雪。今年痛飲蜀江邊，



金盃却吸峨眉月，竹枝歌舞新教成。淒怨傳得三巴聲，  
城頭築觀出雲雨。峨眉正與闌干平，酒酣詩就擲盃去。  
醉蹋玻璃江上路，懸知幽澗斷橋邊。已有梅花開半樹，  
池上醉歌

我欲築化人中天之臺，下視四海皆飛埃。又欲造方士  
入海之舟，破浪萬里求蓬萊。取日挂向扶桑枝，留春挽  
回北斗魁。橫笛三尺作龍吟，腰鼓百面聲轉雷。飲如長  
鯨海可竭，玉山不倒高崔嵬。半酣脫幘髮尚綠，壯心未  
肯成低摧。我效今朝如花月，古人白骨生蒼苔。後當視  
今如視古，對酒惜醉何爲哉。

曉嘆

一鴉飛鳴窗已白，推枕欲起心歎息。翠華東巡五十年，  
赤縣神州滿戎狄。主憂臣辱占所云，世間有粟吾得食。  
少年論兵實狂妄，諫官劾奏當竄殛。不爲孤囚死嶺海，  
君恩如天豈終極。容身有祿愧滿顏，滅賊無期淚橫臆。  
未聞舍桃薦宗廟，至今銅駝沒荆棘。幽并從古多烈士，  
悒悒可令長失職。王師入秦駐一月，傳檄足定河南北。  
安得揚鞭出散關，下令一變旌旗色。

龍湫歌

環湫巨木老不花，齋淪千尺龍所家。爪痕入木欲數寸，

觀者心掉，不敢譁。去年大旱綿千里，禾不立，苗麥垂死。  
林神社鬼無奈何，老龍欠伸徐一起，隆隆之雷浩浩風。  
倒卷江水傾虛空，鱗間出火作飛電，金蛇夜掣層雲中。  
明朝父老來賽雨，大巫吹簫小巫舞，祠門人散月娟娟。  
龍歸抱珠湫底眠。

長歌行

人生不作安期生，醉入東海騎長鯨，猶當出作李西平。  
手梟逆賊清舊京，金印煌煌未入手，白髮種種來無情。  
成都古寺臥秋晚，落日偏傍僧窗明，豈其馬上破賊手。  
哦詩長作寒螿鳴，興來買盡市橋酒，大車磊落堆長瓶。

哀絲豪竹助劇飲，如鉅野受黃河，傾平時。滴不入口，  
意氣頓使千人驚，國讐未報壯士老，匣中寶劍夜有聲。  
何當凱還宴將士，三更雪壓飛狐城。

長生觀觀月

碧天萬里月正中，清夜弭節長生宮，廣寒忽墮人間世。  
但怪步虛聲散瑤臺空，四山沉沉萬籟寂，天矯髯龍舞。  
娛客弭貂老仙期，不來獨倚闌干吹玉笛，道人不怕九。  
霄寒，銀闕冰壺處處看，天台四萬八千文明年，照我扶。  
藜杖。

醉中長歌

闌干斗柄搖天東，人間一夜回春風。注桃染柳歲相似，  
惟我衰顏非昔紅。可憐逢春不自感，更欲使氣驚兒童。  
烟郊射雉錦臆碎，水亭供餼金盤空。歸穿南市萬人看，  
流星突過連錢驄。高樓作歌醉自寫，墨光燭焰交長虹。  
人生未死貴適意，萬里作客元非窮。故人夜直金鑿殿，  
僵臥獨聽官門鐘。

錦亭

天公爲我齒頰計，遣飲黃甘與丹荔。又憐狂眼老更狂，  
令看廣陵芍藥蜀海棠。周行萬里逐所樂，天公於我元  
不薄。貴人不出長安城，寶帶華纓真汝縛。樂哉今從石

湖公大度不計罇，冰罇夜宴新亭海。棠底紅雲倒吸玻  
瓈鍾，琵琶絃繁腰鼓急。盤鳳舞衫香霧溼，春醪凸盞燭  
光搖。素月中天花影立，遊人如雲環玉帳。詩未落紙先  
傳唱，此邦句律方一新。鳳閣舍人今有樣。

對酒

閒愁如飛雪，入酒卽消融。好花如故人，一笑盃自空。流  
鶯有情亦念我，柳邊盡日啼春風。長安不到十四載，酒  
徒往往成衰翁。九環寶帶光照地，不如畱君雙頰紅。

夏白紵并序

古有四時白紵，亦有止作一時者。丙申五月在成

都烈暑可畏戲作夏白紵一首

雲母屏薄望如空，水精簾疎不礙風。美人獨立何所似，似  
白玉芙蓉秋水中。素綃細織水蠶繭，清寒不受人間暑。  
晚來浴罷綠窗間，自把新詩教鸚鵡。

銅壺閣望月

銅壺閣上看明月，身在千尋白銀闕。十年肺渴今夕平，  
皓然宵欠堆冰雪。恨無僊掌出雲表，更取墜露和玉屑。  
夜闌三嘆下危梯，明日人間火雲熱。

偶過浣花感舊遊戲作

憶昔初為錦城客，醉騎駿馬桃花色。玉人攜手上江樓，

一笑釣簾賞微雪。寶釵換酒忽徑去，三日樓中香未滅。  
市人不識呼酒仙，異事驚傳一城說。至今西壁餘小草，  
過眼年光如電掣。正月錦江春水生，花枝缺處小舟橫。  
閒倚胡牀吹玉笛，東風十里斷腸聲。

樓上醉書

丈夫不虛生世間，本意滅。收河山，豈知蹭蹬不稱意。  
八年梁益凋朱顏，三更撫枕忽大叫。夢中奪得松亭關，  
中原機會嗟屢失。明日茵席留餘潛，益州官樓酒如海。  
我來解旗論日買酒酣，博塞為歡娛。信手梟盧喝成采，  
牛背爛爛電目光。狂殺自謂元非狂，故都九廟臣敢忘。

滅下本  
集有虜  
字

祖宗神靈在帝旁

浣溪女一作浣花女

江頭女兒雙髻丫，常隨阿母供桑麻。當戶夜織聲唧唧，  
地爐豆蕪煎土茶。長成嫁與東西家，柴門相對不上車。  
青裙竹笥何所嗟，插髻燦燦牽牛花。城中妖姝臉如霞，  
爭嫁官人慕高華。青驪一出天之涯，年年傷春抱琵琶。

贈宋道人

我不如昔人騎鶴上九天，玉簡奏事虛皇前。平生嗇養  
氣粗全，兩脚馳走輕如烟。鳥道懸崖忽飛鶩，戲擲短劍  
聲鏗然。轉盼跳下千仞淵，已復取劍升層巔。騰猿俊鶻

爭後先，飢食松花掬飛泉。金骨綠髓漸凝堅，口哦七字  
黃庭篇。西來欲訪挾彈仙，丹經劍訣更精研。嗟哉一失  
五百年，作詩付子勿妄傳。

大雪歌累日作雪竟不成戲賦此篇

長安城中三日雪，潼關道上行人絕。黃河鐵牛僵不動，  
承露金盤凍將折。虬鬚豪客狐白裘，夜來醉眠賣釵樓。  
五更未醒已上馬，衝雪却作南山遊。千年老虎獵不得，  
一箭橫穿雪皆赤。拏空爭死作雷吼，震動山林裂崖石。  
曳歸擁路千人觀，觸體作枕皮蒙鞞。人間壯士有如此，  
胡不來歸漢天子。

莫冬夜宴

官機錦茵金蹙鳳舞娃釵墮雙鬢重寶爐三尺香吐霧  
畫燭如椽風不動主人愛客情無已箏聲未斷歌聲起  
亦知百歲等朝露便恐一歡成覆水爐紅酒綠春爲回  
坐上梅花連夜開堂前只尺異氣候冰合平池雪壓階

觀花

我遊西川醉千場萬花成圍柳著行紅錦地衣舞霓裳  
翠裙繡袂天寶粧清歌一發無留觴嫋嫋餘聲紫杏梁  
黃金絡馬照路光自護羅羅觀海棠搜奇選勝日夜忙  
不惟燕宮碧雞坊算歸奚奴負錦囊路人爭看放翁狂

舟中對月

百壺載酒遊凌雲醉中揮袖別故人依依向我不忍別  
誰似峨眉半輪月月窺船窗挂淒冷欲到渝州酒初醒  
江空裊裊釣絲風人靜翩翩葛巾影哦詩不睡月滿船  
清寒入骨我欲仙人間更漏不到處時有沙禽背船去

漁翁

江頭漁家結茆廬青山當門畫不如江烟淡淡雨疎疎  
老翁破浪行捕魚恨渠生來不讀書江山如此一句無  
我亦衰遲慙筆力共對江山三嘆息

岳陽樓

身如病鶴，短翅翎。雨雪飄灑，號沙江。天風忽吹，不得住。  
東下巴峽，泛洞庭。軒皇張樂，雖已矣。此地至今朝，百靈  
雄樓岌業，鎮吳楚。我來舉手，捫天星。帆檣纔放，已隱隱。  
雲氣亂入，何冥冥。鼉鼉出沒，蛟鱗橫。浪花遮盡，君山青。  
黃衫仙翁喜，無恙袖劍。近到城南，亭眼前。俗子敗人意，  
安得與翁同醉醒。

通濟口

朝發嘉魚縣，晚泊通濟口。睡起喜微涼，船窗一盃酒。長  
魚吹浪聲，恐人巨鼉露背。浮齋淪今夕，風生月復暗。寄  
語舟人，更添纜。

自雪堂登四望亭因歷訪蘇公遺跡至安國院

我醉飛屐登孱顏，拄杖出沒風烟間。三山葱曠，蛟鱗靜  
九關。肅穆虎豹閑，幾年金骨煉綠髓。此日始得窮躋攀，  
老僊歸侍紫皇案。空有野水流淙潺，蜿蜒翠阜圍綠野。  
似嶺非嶺，山非山。向來龍蛇滿雪壁，雷電下取何時還。  
名花亦已天上去，居人指示題詩處。九十一翁不識公，  
我抱此恨知無窮。  
定惠院已廢，海棠亦不復在。安國老  
僧景滋年九十一，自言東坡去黃後  
四年。  
左生。

長風沙

江水六月無津涯，驚濤駭浪高吹花。騰聲已出雁翅浦，

秋夾喜入長風沙長風自古三巴路檣竿參差雜烟樹  
南船北船各萬里淒涼小市相依住歌呼雜杳燈火明  
黃昏風死浪亦平勞苦舟師剩沽酒安穩明朝到池口

懷成都十韻

放翁五十猶豪縱錦城一覺繁華夢竹葉春醪碧玉壺  
桃花駿馬青絲鞵鬪雞南市各分朋射雉西郊常命中  
壯士臂立綠條鷹佳人袍畫金泥鳳椽燭那知夜漏殘  
銀貂不管晨霜重一梢紅破海棠回數蕊香新早梅動  
酒徒詩社朝暮忙日月匆匆迭賓送浮世堪驚老已成  
虛名自笑今何用歸來山舍萬事空臥聽槽牀酒鳴瓮

北窗風雨耿青燈舊遊欲說無人共

客談荆渚武昌慨然有作

去歲出蜀初東遊我舸大艣下荊州便風轉頭五百里  
吟嘯已在黃鶴樓戲拈鐵笛吹出塞水涵月落魚龍愁  
明朝喧傳古仙過碧玉束帶黃絕表豈知一官自桎梏  
簿書期會無時休豐城寶劍已化久我自吐氣冲斗牛  
洞庭四萬八千頃蟹舍正對蘆花洲速脫衣冠挂神武  
散髮爛醉垂虹秋

憶唐安

南鄭戍還初過蜀朝衫與鬢猶爭綠逢春飲酒似長鯨



醉裏千篇風雨速，唐安池館夜宴頻。漱漱玉船搖畫燭，紅索琵琶金縷花。百六十絃彈法曲，曲終却看舞霓裳。嫋嫋宮腰細如束，明朝解醒不用酒。起尋百畝東湖竹，歸吳寂莫時。自笑縱有詩情，誰省錄今年。二頃似可謀去，斲雲根結茅屋。

蛺蝶詞

蛺蝶子去復來，草長齊腰花亂開。蜜蜂辛苦為入計，林鷺百轉胡為哉。嗟爾蛺蝶獨得意，飛來飛去無嫌猜。追花逐絮闌干角，人生安得如汝樂。  
大雨踰旬既止，復作江遂大漲。

未集舟  
上有小  
字

一春少雨憂旱暵，熟睡湫潭坐龍嬾。以勤贖嬾護其短，水浸城門渠不管。傳聞霖潦千里遠，榜舟發粟敢不勉。空村避水無雞犬，茆舍夜深螢火滿。  
民家避水多依丘阜以舟載米賑之

發豐城縣

豐城古縣已再遷，出郭十步江渺然。冷雲四合欲下雪，柔櫓數聲初放船。孤邨燈火照破驛，客子何以娛今夕。不辭金盃醉十分，要看玉花深一尺。

上七本  
集作上  
七

十一月十七日蔬飯驛嶺小店  
新秣炊飯白勝玉，枯松作薪香出屋。冰蔬雪菌競登槃，瓦鉢瓊巾俱不俗。曉途微雨壓征塵，午店清泉帶修竹。

建谿小春初出碾，一碗細乳浮銀粟。老來畏酒厭芻豢，  
却喜今朝食無肉。尚嫌車馬苦縻人，會入青雲騎白鹿。  
步虛  
曩者過洛陽，宮闕侵雲起。今者過洛陽，蕭然但荒壘。銅  
駝臥深棘，使我惻愴多。可憐陌上人，亦復笑且歌。世事  
茫茫幾成壞，萬人看花身獨在。北邙秋風吹野蒿，古冢  
漸平新冢高。

讀書

放翁白首歸剡曲，寂寞衡門書滿屋。藜羹麥飯冷不嘗，  
要足平生五車讀。校讐心苦謹塗乙，吟諷聲悲雜歌哭。  
三倉奇字已殺青，九譯旁行方著錄。有時達旦不滅燈，  
急雪打窗聞簌簌。倘年七十尚紀墜典斷編真可續，  
客來不怕笑書痴。終勝牙籤新未觸。

觀張提刑周鼎

他人富貴堆金壁，曼舞妖歌誇坐客。清心好古誰似公，  
漢庭諸人推博識。一朝得此周廟器，買不論貲空四壁。  
苔痕洗盡銅色見，坐臥摩挲欲忘食。蠻童捧出客爲起，  
恍如清廟陪劍履。腹中奇字粲蟲魚，嶧山之碑那得比。  
知公原是功名人，看罷握手同悲辛。鎬京洛邑在何許，  
漠漠秋風吹塵。

本集塵  
上有虜  
字

玉局歌

玉局祠官殊不惡，銜如水清俸如鶴。酒壺釣具常自隨，  
五尺新蓬織青篛。倚樓看鏡待功名，半世兒痴晚方覺。  
何如醉裏泛桐江，長笛一聲吹月落。蔣公新冢石馬高，  
謝公飛旆凌秋濤。微霜莫遣侵鬢綠，從今二十四考書  
玉局。

十五夜月色皎然有頃雲生遂不復見

北望但空濶，南望橫羣山。青天無翳行，素月寥寥永夜。  
非人間，九醞漿成老仙醉。六銖衣薄，天宮寒翠，眉真人  
不火食。小立環佩風珊珊，橫空邀我海山去。縹緲萬里

驂青鸞相攜一笑在雲表，徐看玉宇飛金盤。

後春愁曲 并序

予在成都作春愁曲，頗爲人所傳。偶見舊稿，悵然  
有感，作後春愁曲。

六年成都擅豪華，黃金買斷城中花。醉狂戲作春愁曲，  
素屏紈扇傳千家。當時說愁如夢寐，眼底何曾有愁事。  
朱顏忽去白髮生，真墮愁城出無計。世間萬事元悠悠，  
此身長短歸山丘。閉門堅坐愈生愁，未死且復秉燭遊。

吳娘曲

鏡奩蠶出千黑蟻，釵梁梅小雙青豆。吳娘十四未知愁，

日本集  
作未

羅衣已覺傷春瘦，閒尋女伴過西家。闌草歸來日已斜，  
睡睫濛濛嬌欲閉，隔簾微雨壓楊花。

本集無  
圖字

題少陵畫圖像

長安落葉紛可掃，九陌北風吹馬倒。杜公四十不成名，  
袖裡空餘三賦草。車聲馬聲喧客枕，三百青銅市樓飲。  
杯殘肉冷正悲辛，仗內鬪雞催賜錦。

日晚散步湖上遇小雨

暮色蒼蒼日初落，寒聲策策風正作。湖邊倚杖隄上行，  
病起聊試遊山腳。平生出門輕萬里，老去謝客專一壑。  
風濤傾動鮫綉橫，閭闔崔嵬鬼神惡。春蕪二頃叱黃犢，

勸本集  
作詞

老學為農元不錯，兜鍪蟬冕俱掃空。雨笠香新織青藜，

農家秋晚戲詠

鞭地如鏡，築我場破。礪玉粒輸官倉，九月野空天欲霜。  
甌中初喜新梗香，舍邊蕭蕭落葉多。野蠶出繭飛黃蛾，  
寒蔬種罷醉且歌。隻雞短紙賽園婆。

崑崙行

陰雲解駭朝暎紅，黃河直與崑崙通。不駕鸞鳳駝虬龍，  
徑躡香烟上空中。吾行忽過日月宮，下視積氣青濛濛。  
寒暑不分晝夜同，峩峩九關常烈風。凜然蕭森變冲融，  
不慄不眩身如空。塵沙浩劫環無窮，詎須更覓安期翁。

雨中排悶

點點滴滴雨不晴，暗暗淡淡燈不明。皇天胡為貸此老，病臥垂困今已平。却慚向者力量淺，鼠肝蟲臂猶關情。百年終歸朝露速，一死正自秋毫輕。明朝且作山中行，青鞵已覺白雲生。豐年處處村酒好，莫教湘湖尊菜老。  
湘湖在蕭山縣尊菜絕奇

東吳女兒曲

東吳女兒語如鶯，十三不肯學吹笙。鏡奩初喜穉蠶出，窗眼已看雙繭成。庭空日暖花自舞，簾卷巢乾燕新乳。阿弟貪書下學遲，獨揀詩章教鸚鵡。

荊州歌

楚江鱗鱗綠如釀，銜尾江邊繫朱舫。東征打鼓挂高帆，西上湯豬聯百丈。伏波古廟占好風，武昌白帝在眼中。倚樓女兒笑迎客，清歌未盡千觴空。沙頭巷陌三千家，烟雨冥冥開橘花。峽人住多楚人少，土鎗爭響菜羹茶。

寄邛州宋道人

宋與余在臨邛鳴翎舖同遇異人宋遂棄家學道

鳴翎舖前遇秋雨，獨與宋生棲逆旅。坐門憺恍見老仙，劇談氣欲凌天宇。袖中出劍秋水流，血點斑斑新報仇。我醉高歌宋生舞，洗盡人間千古愁。老仙約我遊太華，是夕當醉蓮峰下。語終冉冉已雲霄，萬里秋風吹鶴駕。

警本集  
作餉  
家本集  
作官

張本集  
作

我今伶俚殘衰境不如宋生棄家猛西望臨邛  
一慨然  
青松偃盡丹爐冷

故山葛仙翁丹井有偃松覆其上天矯可愛寄題  
葛翁煉丹一千年翁去丹飛餘此泉如古鏡不拂拭  
俯聽缺甃時鏘然老龍受命護泉臥蜿蜒直恐從天墮  
人言神物老愈靈夜半聲酣風雨過放翁還山亦何有  
閉門吟歎龍為友客來相對聊曲肱但酌此泉勝酌酒

送張野夫寺丞牧滁州

皇天方憂九州裂建隆真人仗黃鉞陣雲冷壓清流關  
賊壘啾嚶氣如髮通誅猶人檻車北風吹乾草頭血

本集稱  
下有虞

一龍上天三百年舊事空聞遺老說金印斗大誰作州  
公子玉面蒼髯虬賦詩健筆俠風雨論兵辯舌森戈矛  
別君帳飲灞橋頭長歌為君寬旅愁戰場遺跡儻可畫  
尺素寄我關河秋

醉書秦望山石壁

秋雨初霽開長空夜天無雲吐白虹擘波浴海出日月  
破山卷地驅雷風崑崙黃流瀉浩浩太華巨掌摩穹穹  
平生所懷正如此拜賜虛皇稱放翁放翁七十飲千鍾  
耳目未廢頭未童向來楚漢何足道真覺萬古無英雄  
行窮禹跡亦安往聊借曠快洗我胸濤瀾屢犯蛟鱓怒

澗谷或與精靈逢黃金鑄就決河塞倅獻頡利長安宮  
不如醉筆掃青嶂入石一寸豪健驚天公

城南上原陳翁以賣花為業得錢悉供酒資又不  
能獨飲逢人輒強與共醉辛亥九月十二日偶過  
其門訪之敗屋一間妻子飢寒而此翁已大醉矣  
殆隱者也為賦一詩

君不見會稽城南賣花翁以花為糧如蜜蠶朝賣一株  
紫暮賣一枝紅屋破見青天盎中米常空賣花得錢送  
酒家取酒盡時還賣花春春花開豈有極日日我醉終  
無涯亦不知天子殿前宣白麻亦不知相公門前築堤

沙客來與語不能奮但見醉髮覆面垂髣髴

夜坐水次

房星縱心星橫北斗高掛南斗傾蓼根熠熠螢火明葦  
叢哀哀姑惡聲我倚胡床破三更溪風吹衣月未生玉  
門關拂雲城何時連營插漢旌白頭書生未可輕不死  
令君看太平

醉臥松下短歌

披鹿裘枕白石醉臥松陰當月夕寒藤天矯學草書天  
風蕭森入詩律忽然夢上百尺顛綠毛邂逅巢雲仙相  
携大笑咸陽市俯仰塵世三千年

採梅

我遊東村衝暮烟，斷橋流水鳴濺濺。欲尋梅花作一笑，  
數枝忽到拄杖邊。高標元合著山澤，絕艷豈復施丹鉛。  
定知曾授餐玉法，不爾恐是凌波仙。錦江賦詩忽萬里，  
蓬山把酒今三年。相逢風味宛如昨，人生何者非前緣。  
頗思取醉極清賞，杖頭幸有百許錢。但判插破烏紗帽，  
莫記吹落黃金船。

贈劉改之秀才

君居古荊州，醉膽天宇小。尚不拜龐公，况肯依劉表。胸  
中九淵蛟龍蟠，筆底六月水雹寒。有時大叫脫烏幘，不

怕酒杯如海寬。放翁七十病欲死，相逢尚能刮眼看。李  
唐不生楚漢間，封侯萬里官其難。

杜敬未寓僧舍開軒松下以虛瀨名之來求詩

君不見洛陽八節灘，未至一舍聞驚湍。生綃六幅誰所  
画，入眼能令三伏寒。又不見桐廬七里瀨，濺雪跳珠舞  
澎湃。羊裘老子去千年，絕世孤風凜如在。杜陵之孫今  
勝遊，飄然不必事遠遊。結茆古寺聽松吹，坐擅洛水桐  
江秋。放翁百念俱已矣，獨有好奇心不死。約君少待秋  
月明，抱琴來宿寫灘聲。

古別離

遊本集  
作泥



孤城窮巷秋寂寂美人停梭夜歎息空園露濕荆棘枝  
荒蹊月照狐狸迹憶君去時兒在腹走如黃犢爺未識  
紫姑吉語元無據况憑瓦兆占歸日嫁來不省出門前  
魂夢何因識酒泉粉縣磨鏡不忍照女子盛時無十年  
采蓮曲

鳥啼

野人無曆日鳥啼知四時二月聞子規春畊不可遲三

蘇東坡詩集  
作詩

月聞黃鸝幼婦閔蠶飢四月鳴布穀家家蠶上簇五月  
鳴鴉舅苗稚憂草茂人言農家苦望晴復望雨樂處誰  
得知生不識官府葛衫麥飯有即休湖橋小市酒如油  
夜夜扶歸常爛醉不怕行逢灞陵尉

醉中作

解艫為家雲作友流年盡付樽中酒清歡穿林鷺鳳吟  
草書落紙龍蛇走人間無復王景畧千載風雲常寂寞  
安得熊羆十萬師蹴踏幽并洗河洛

五月二十三夜記夢

夜漏欲盡雞初唱夢到神仙信非妄泉流直脊碧澗底

松根橫走蒼崖上，徐行林際遇飛橋。峭壁驚濤臨萬丈，  
非惟履險足踉蹌。已覺處憂神，悄愴空巖滴乳久。化石  
寶蓋珠嬰紛物象，鬼神慘淡疑欲搏。龍蜃蜿蜒誰敢傍，  
長眉老仙乘白雲握手授我綠玉杖。三生汝有世外緣，  
一念已斷塵中障。雖云曩事不復憶，憐汝瞳子神猶王。  
何須更待熟金丹，從我歸哉住崑閬。

題橋南堂圖

平生不識橋南路，聞道清流帶烟樹。今朝開卷一欣然，  
恍若身親到其處。徐郎獨立巖如山，招不能來麾不去。  
舊居萬瓦碧浮烟，結茅却就橋南住。雪盡春生水似藍。

想君清獻釣魚菴，道上紅塵高十丈。斷無一點到橋南。

秋賽

柳姑廟前煙出浦，冉冉紫空青一縷。須臾散作四山雲，  
明日來爲社公雨。小巫屢舞大巫歌，士女拜祝肩相摩。  
芳茶綠酒進雜遝，長魚大載高嵯峨。常年徵科煩筆楚，  
縣家血濕庭前土。妻啼兒號不敢怨，期會常憂累官府。  
今年家家有餘粟，縣符未下輸先足。木刻吏蒲作鞭自  
然粟帛如流泉，儲積不愁無九年。

喜雨歌

不雨珠不雨玉，六月得雨真雨粟。十年水旱食半菽，民

伐桑柘，賣黃犢，去年小稔已食足，今年當得厭酒肉，斯民醉飽定復哭，幾人不見今年熟。

昔人有畫醉僧，醉道士，醉學究者，皆見于傳記及

歌詩中，予暇日爲各賦一首。

選一

落托在人間，經旬不火食，醉後上江樓，橫吹蒼玉笛，大口如盆，眼如電，九十老人從小見，曾攜一鶴過岳陽，滿城三日聞酒香。

醉道士

對酒懷丹陽成都故人

勞生常羨濁醪樂，死時却悔生時錯，花前有酒不肯狂，回首朱顏已非昨，君看古來賢達人，終日飲酒全其真。

世間萬事竟何有，金樽翠杓差關身，放翁少日無凡客，飛觴縱樂皆豪傑，清歌一曲梁塵起，腰鼓百面春雷發，故人仙去蓬萊宮，鸞絲鳳竹醉春風，石帆山下孤舟雪，一段清愁付此翁。

題嚴州王秀才山水枕屏

我行天下路幾何，三巴小益山最多，翠崖青嶂高嵯峩，紅棧如帶縈岩阿，下有駭浪千盤渦，一跌性命委蛟鼉，日馳三百一鳥驟，雪壓披瓊泥滿鞞，驛亭沃酒醉臉酡，長笛腰鼓雜巴歌，大散關上方橫戈，豈料世變如翻波，東歸輕舟下江沱，回首歲月悲蹉跎，壯君落筆寫岷嶓。

意匠自到非身過，偉哉千仞天相摩。谷裏人家藏綠蘿，使我恍然越關河。熟視粉墨，頻摩挲。

韓太傅生日

珥貂中使傳天語，一片驚塵飛輦路。清霜粲瓦初作寒，天爲明時生帝傅。黃金飾奩雕玉觴，上尊御食傳恩光。紫駝之峯玄熊掌，不數沙苑千羣羊。通天寶帶連城價，受賜雍容看拜下。神皇外孫風骨殊，凜凜英姿不容畫。問今何人致太平，懸地萬里皆春耕。身際風雲手扶日，異姓真王功第一。

對酒作

羨門安期何在哉，河流上泝崑崙開。白雲不與隱居老，孤鶴自下遼天來。春江風物正開美，綠浦潮平拖初起。算吹長笛發巴陵，曉挂高帆渡湘水。世間萬變更故新，會當太息摩銅人。脫裘取酒籍芳草，與子共醉壺中春。

西湖春遊

靈隱前天竺，後鬼削神剎。作岩岫，冷泉亭中一尊酒。一日可敵千年壽，清明後上巳。前千紅百紫爭妖妍，擊鼓聲鞠場邊鞦韆。一蹴如登仙，人生得意須年少。白髮龍鍾空自笑，君不見灞亭耐事。故將軍醉尉怒訶如不聞。

農事稍閒有作

架犁架犂喚春農，布穀布穀督歲功。黃雲壓檐風日美，  
綠針插水霧雨濛。年豐遠近笑語樂，浦漲縱橫舟楫通。  
東家築室窗戶綠，西舍迎婦花扇紅。我方祭竈徹豚酒，  
盤箸亦復呼隣翁。客歸我起何所作，孝經論語教兒童。  
教兒童莫忽忽，願汝日夜勤磨礪。烏巾白紵待至公。

游昭牛圖

游昭木石師，李唐畫牛乃自其所長。出欄切聽一聲笛，  
意氣已無千頃荒。客居京口老益困，衣不揜脛鬚眉蒼。  
時時弄筆眼力健，蹏角毛骨分毫芒。我無沙堤金絡馬，

切本集  
作初

拂拭此幅喜欲狂。乞骸幸蒙優詔許，置身忽在烟林傍。  
日落飲牛水滿塘，夜半飯牛天雨霜。俚醫灌藥美水草，  
老巫訶禁祓不祥。願我孫子勤農桑，願汝生犢筋脉強。  
碓聲驚破五更夢，歲負玉粒輸官倉。

徒行短歌次前輩韻

風吹短衣雙鬢白，老人復步歸鄉國。數樹丹楓野店西，  
一川紅蓼溪橋北。芒屨有賣百無憂，過盡青山到渡頭。  
更求欵段真多事，堪笑當年馬少游。

大雨

北窗欲化莊生蝶，睡思濛濛栖倦睫。川雲忽帶急雨來，

優本集  
作徒

萬點縱橫打荷葉，坐收爽氣入詩律。更借涼颺吹醉顏，  
壞簷腐瓦凜欲墮。積潦中庭深可涉，兒愁漏溼廢夜課。  
婦畏泥塗停早盥，老翁自笑獨爾頑。更喜烟波搖短楫，

客中作

江天雨霽秋光老，野氣川雲淨如掃。投空飛鳥雜落葉，  
極目斜陽襯衰草。平沙爭渡人，鷓立長亭下馬障泥溼。  
纍纍紅果絡青篾，未霜先摘猶酸澀。客中雖云貪路程，  
買薪糴米常留行。茆簷獨坐待僮僕，不聞人聲聞磬聲。

懷青城舊遊

宦途到處不黔突，惟有劍南糜歲月。屢遊老澤蒼玉嶂，

疑是虛皇白銀闕。松肪壽麩具晨餐，榾葉作衣勝短褐。  
泥飲不容繁杏落，浩歌常送寒蟬沒。水邊洞口適有遇，  
握手一言換凡骨。少陵老子未識真，欲倚黃精除白髮。

海棠歌

我初入蜀鬢未霜，南充樊亭看海棠。當時已謂目未覩，  
豈知更有碧雞坊。碧雞海棠天下絕，枝枝似染猩猩血。  
蜀姬豔粧肯讓人，花前頓覺無顏色。扁舟東下八千里，  
桃李真成僕奴。爾若使海棠根可移，揚州芍藥應羞死。  
風雨春殘杜鵑哭，夜夜寒衾夢還蜀。何從乞得不死方，  
更看千年未爲足。

禽言

架犁架犁南邨北邨雨淒淒夜起飯牛雞未啼日暮  
斫斫行千畦沒足勿恨一尺泥西成收薄汝噉臍架犁

拔筍拔筍入箒不辭風雨窘養成會見高佛雲取供口  
腹初不忍獨持兩把慰倚門慈顏一笑如春溫拔筍

老翁老尚健打麥持作飯終歲隴畝間勞苦孰敢怨人  
生為農叟可願得飽正如持左券確春樵爨小甌香豈

不勝汝耗太倉打麥作飯  
堂前捉績子力作忘朝餐鵝黃雪白相照耀插茅作簇

高如山蠶女採桑至煮繭何暇膏沐梳髻鬢織成蜀錦

與楚穀舞妹纏頭不論束堂前捉績子

短歌行

富貴得意如登天自計一跌理不全晝食忘味夜費眠

渠過一日如一年春蠶得衣畊得食農功初成各休息  
賣酒墟邊紛鼓笛我過一年如一日二者求兼勢安可

與我周旋寧作我春城桃李豈不妍雪澗未妨松磊砢  
人生禍福難遽論廟犧烏得為孤豚君不見獵徒父子

牽黃犬歲歲秋風下蔡門

一年老一年

一年老一年一日衰一日譬如東周亡豈復須大疾癩

情已廢書冊久病來亦復疎盃酒勸車小住固自佳拂  
袖便行亦何有下床擁火暖有餘鹹豆數粒粥一盃平  
生常笑愚公愚欲栽墮齒染白鬚

題望海亭亭在臥龍絕頂

瑞龍千丈何蜿蜒蒼鱗翠鬣翔江邊路逢鏡湖乃下駐  
玩珠不去知何年七州元帥擁書戟全家終日樓居仙  
霜筍一曲入銀漢碧瓦萬疊浮嵐烟其間望海最傑觀  
疎達坐占蓬萊先風雲變化几席上蛟鼉出沒闕于前  
手捫心房倚北斗眼中萬象俱森然尚書喚客共領略  
遠坊十里聞管絃從容賦詩出妙思超絕欲拍微之肩

連本集  
作銘

坐中有客垂九十追逐無路空自憐夜闌客散公歸院  
笙歌隱隱在半天向來老客今何處菱唱三更起釣船

湖山尋梅

鏡湖渺渺烟波白不與人間通地脉騎龍古仙絕火食  
慣住空山齧冰雪東皇高之置度外正似人中巢許輩  
萬木僵死我獨存本來長生非返魂





溪行

同書本集  
疑蓬

蓬蒻鳴春雨，帆蒲掛暮烟。買魚尋近市，覓火就鄰船。愁臥醒還醉，灘行却復前。長年殊可念，力盡逆風牽。

自來福州詩酒殆廢，北歸始稍稍復飲。至永嘉括蒼，無日不醉。詩亦屢作此事，不可不記也。

尊酒如江綠，春愁抵草長。但令閒一日，便擬醉千場。柳弱風禁絮，花殘雨漬香。客遊還役役，心賞竟茫茫。

雨中出遊夜歸

小雨南山路，今朝思出遊。難從子規請，寧遣竹雞憂。野店寒饒柿，州津晚喚舟。歸來對燈火，未恨溼衣裘。

謝李平叔郎中問疾

吏部朝回早，幽人病始蘇。藕過門迂問，訊飲枕聽呼。緣瘦重裁帽，因衰學染鬚。投詩發公笑，試想此形模。

玉牒所迎駕，望見周洪道舍人

自下河橋宅，清談喜屢陪。今年見騰蹕，不恨老氛埃。曉放宮門鑰，霜彫輦路槐。班回獨小立，爲待繡鞍來。

秋陰

陂澤秋容淡，郊原曉氣清。雨來鳩有語，社近燕無情。拄杖扶腰痛，漁舟照眼明。苦吟緣病輟，隨意或詩成。

衰病

衰病不浪出閉門，烟雨中葦花添絮，曉葑火試爐紅。湖村  
采老葑作仕宦蠹窠，夢功名馬耳，風山翁但更事人看。  
火甚妙作神通。

十二月一日

東風吹斗柄，暖律變嚴凝，草色迷殘燒，溪流帶斷冰，兒  
書春日，榜女剪上元燈，莫笑蒲龕睡山翁，怯歲增。

夜思

露泣啼螿，草潮生宿雁，汀經年寄孤舫，終夜託丘亭，楚  
澤無窮白，巴山何處青，四方男子事不敢恨飄零。

公安

地曠江天接，沙隕市井移，避風留半日，買米待多時，蝶  
冷，停菰葉鳴馴，傍鱗枝，昔人勸業地，搔首歎吾衰。縣有

明舊

沙頭

游子行愈遠，沙頭逢暮秋，孫劉鼎足地，荆益犬牙，州鼓  
角風雲慘，江湖日夜浮，此生應袞袞，高枕看東流。

曉發金牛

客枕何時穩，忽忽又東裝，快晴生馬影，新暝拆花房，沮  
水春流綠，嶓山曉色蒼，阿瞞狼狽地，千古有遺傷。自金

西省明皇  
幸蜀路

慈雲院東閣小憩

橫閣院東偏，翛然拂榻眠。香濃烟穗直，茶嫩乳花圓。巖倚團團桂，筒分細細泉。憑誰為題版，勝作小壺天。

晨至湖上

園古逢秋好，身閒與嬾宜。空堂賞踈豁，重閣望參差。竹粉有新意，松風含古姿。低回慙祿米，官事少於詩。

儲福觀

唐玉真公主修真之地

路轉屏風疊，雲藏帝子家。窮幽行犖确，息倦倚槎牙。綠蘚封茶樹，清霜折藥花。世無勾漏令，誰此養丹砂。

病中戲書

病中戲書

五十忽過二，流年消壯心。避人便小疾，移竹喜微陰。洗甕閒筋酒，焚香靜斲琴。鏡中青鬢在，切莫遣愁侵。微疾餞餘災，時須藥裏開。禽驚杵聲去，蜂認蜜香來。閉戶知長日，全生幸散材。晚涼幽興動，彊到竹邊回。

訪楊先輩不遇因至石室

訪客客已去，追涼成獨行。衣冠嚴漢殿，艸木拱秦城。古甃蒼苔滑，空庭落日明。出門還憶恍，列屋打碑聲。牆東即石

經堂

夜意

心清知睡少，氣定覺神疑。但有一無媿，何妨百不能。燈

昏如隔霧，研冷欲生冰。兀爾遺身世，東窗待日升。

峽州甘泉寺

江上甘泉寺，登臨擅一州。山亭喜無恙，老子得重遊。灘急常疑雨，林深欲借秋。歸途更清絕，倚杖喚漁舟。

初到荊州

萬里泛仙槎，歸來鬢未華。蕭蕭沙市雨，淡淡渚宮花。斷岸添新漲，高城咽晚笳。船窗一樽酒，半醉落烏紗。

贈楓橋化城院老僧

老宿禪房裏，深居罷送迎。爐紅豆其火，粳白芋魁羹。禩年年補，紗燈夜夜明。門前霜半寸，笑我事晨征。

夢藤驛

倦馬投孤驛，一峯青壓門。蕭條秋浦路，荒陋夜郎鄉。地瘴霜常薄，林深日易昏。百年常作客，排悶近清樽。

伏中官舍極涼戲作

盡障東西日，洞開南北堂。漏從閒處永，風自遠來涼。客愛炊菰美，僧誇瀹茗香。曉來秋色起，蕭蕭滿筠牀。

芒屨

芒屨一雙青，筇枝九節輕。登山猶健在，投檄太遲生。滿意竹風冷，入懷溪月明。清秋故不遠，回首憶蓴羹。

夕雨

屣履行莎徑，移牀臥草亭。風聲雜溪瀨，雨氣挾龍腥。奕奕空中電，昏昏雲罅星。徂年又如許，吾鬢得長青。

冒雨登擬峴臺觀江漲

雨氣分千嶂，江聲撼萬家。雲翻一天墨，浪蹴半空花。噴薄侵虛閣，低昂泛斷槎。壯遊思夙昔，乘醉下三巴。

夢仙

夢朝謁大官殿，仰視去天甚近，星皆大如月，氣候清寒，如十月間時。庚子六月一日也。

中宵遊帝所，廣殿綴仙官。天逼星辰大，霜清劍珮寒。賦詩題碧簡，侍宴跨青鸞。惆悵塵緣重，夢殘更未殘。

宿城頭舖小飲而睡

亭傳臨江許牀敷，息我勞。屋茅殘月冷，庭樹北風塵。虛

市饒新兔，村場有濁醪。氣衰仍病著，小飲不能豪。

杜門

寂寞山深處，岬嶭歲暮時。燒灰除菜蝗，讀如橫字去聲送芋謝

午醫篋，水晨澆。藥燈牕夜覆棋，杜門君勿怪。遲暮少新

知

忽忽

忽忽復悠悠，頻驚歲月遒。若無船貯酒，將奈斛量愁。列

炬，燕宮夜。成都故蜀時燕王宮，今屬張氏海棠為一城之冠。呼鷹漢廟秋，南鄭漢高

帝廟予從戎時多獵其下。周年莫多感，夢境付滄洲。

歲暮

吳中寒氣薄歲暮亦和風移樹來邨北尋僧度港東露  
葵收半綠霜稻杵微紅一飽無餘念吾生正不窮

衰病有感

衰與病相乘山房冷欲冰在家元是客有髮亦如僧愁  
絕窮秋雨情親獨夜燈西隣有甘井聊得曲吾肱

遊淳化寺

蕭寺久不到偶來幽興長燈穿珠九曲峰釀蜜千房雨  
過山橫翠霜新橋弄黃年衰道不進珍重一爐香僧問極迷

極本集作極

如何是祖師西來意師曰古殿一爐香極迷即淳化也

平水小憩

蓐食小巷中肩輿小市東霧收山淡碧雲漏日微紅酒  
旆邨場近昏船浦嫩通平生喜行路小住莫怱怱

城西晚眺

嫋嫋城笳咽熒熒漁火青霜凋兩岸柳水浸一天星靜  
看船歸浦遙聞雁落汀倚闌幽興極不敢恨飄零

舟中曉賦

小艇小滄浪吳歌特地長斜分半艙月滿載一蓬霜香  
飯炊菰白醪醪點蟹黃宦遊元為口莫恨老江鄉

病中

風雨暗江天幽牕起復眠忍窮安晚境留病歷災年客

下小字本集作

助修琴料僧分買藥錢，餘生均逆旅未死且陶然。

題跨湖橋下酒家

湖水綠於染，野花紅欲燃。春當三月半，狂勝十年前。小店開新酒，平橋上画船。翩翩幸強健，不必媿華顛。

小憩村舍

藤梢維艇子，烟際覓人家。小婦簪新麥，羣童摘晚茶。溪雲易成雨，崖樹少開花。聊寄平生快，青鞋到若耶。

明覺院

細路蟠青壁，層軒倚碧空。天香下塵世，僧梵起雲中。藤絡將頽石，松號不斷風。尤憐扶杖處，直下數飛鴻。

排悶

老去知心少，流塵鎖斷絃。尊空問字酒，囊罄作碑錢。掃葉供朝爨，和泥補漏船。胸中元浩浩，白眼望青天。

泊上虞縣

鄞江久不到，乘興偶東遊。漲水崩沙岸，歸雲抱縣樓。吟餘聲混混，梳罷髮飈飈。喜見時平象，新絲入市稠。

過邨店有感

細篾絡丹柿，枯籬懸碧花。炊烟生旅竈，野水漱寒沙。棲鳥爭投樹，歸牛自識家。恍然遊蜀路，搔首憶天涯。

春殘



老墮空山裏，春殘白日長。庸醫司性命，俗子議文章。燭  
映一池墨，風飄半篆香。箇中有佳處，袖手看人忙。

寓歎

心已忘斯世，天猶活此翁。嫩湯茶乳白，軟火地爐紅。課  
婢芸蔬甲，呼兒下釣筒。生涯君勿笑，聊足慰塗窮。

泛湖至東涇

涇作鏡

春水六七里，夕陽三四家。兒童牧鵝鴨，婦女治桑麻。地  
僻衣巾古，年豐笑語譁。老夫維小艇，半醉摘藤花。

小園獨立

草香無處覓，花嫩不禁飛。澤國春歸晚，柴門客過稀。新

泥添燕戶，細雨溼鷲衣。倚杖臨階久，衰翁氣力微。

農家

南畝初蒔穫，西成謹蓋藏。種蕎乘霽日，斫荻待微霜。露  
確新春白，山廚野菽香。何須北牕臥，始得傲羲皇。

山家暮春

遶屋清陰合，綠堤綠草纖。起蠶初放食，新麥已磨鎌。苦  
筍先調醬，青梅小蘸鹽。佳時幸無事，酒盡更須添。

初夏

筍生遮狹徑，溪漲入疎籬。漸及分秧候，還當煮繭時。雨  
昏雞共嬾，米盡鼠同饑。村巷無來客，清羸只自知。

初本集  
作勤成  
作城

泛舟

去去泛輕舸，飄然興自豪。葉凋山寺出，溪瘦石橋高。草  
徑牛羊下，煙村鷓鴣號。還家一杯酒，未畏暮風饒。

村夜

寂寂山村夜，悠然醉倚門。月昏天有暈，風軟水無痕。迹  
為遭讒遠，身由不仕尊。敢嗟車馬絕，同社自雞豚。

野意

隄長逾十里，村小只三家。山客兜樵擔，溪翁鳴釣車。花  
深迷蝶夢，雨急散蜂衙。衰疾新年減，青鞵上若耶。

舍北望牛頭山，山有延勝寺。先太傅書室在焉。

編本集  
作鶴

鹽本集  
作堂

人年前嘗泛小江往遊寺，焚於陸寇書堂，無復存矣。

太傅讀書處，秋風曾問途。江如青弋險，山似白鹽孤。

絕類夔府之白路盡還登嶺林開忽見湖草堂無復識  
鹽但差卑小耳

流涕想規模。

步至湖上寓小舟還舍

病墮支離境，閒尋漫浪遊。湖平天鏡曉，山峭石帆秋。餘  
酒家家許，看花處處留。歸途倦扶杖，却上釣魚舟。

悶極有作

貴已不如賤，狂應又勝癡。新寒壓酒夜，微雨種花時。堂  
下藤成架，門邊枳作籬。老人無日課，有興即題詩。

幽居

質本集  
作賣

雨霽雞栖早風高雁陣斜園丁刈霜稻村女買秋茶缺  
井磨樵斧枯桑繫釣槎客來那用問此是放翁家

春晚雜興

寂寂野人家柴扉傍水斜僧分晨鉢客共午甌茶燕  
戶添新土蛛絲罥落花悠然便終日惟此送年華  
小市湖橋北幽居石埭西蒲深姑惡哭樹密秭歸啼山  
茗封青箬村酤圻赤泥平生汗簡手投老慣扶犁

幽棲

閒人了無事地僻稱幽栖  
留雞食移琴避燕泥  
桐

生廳欲暗筍長徑還迷不作容車計門閭儘放低

白首

詩本集  
作時

白首稱祠吏清詩作幸民招呼林下客遊戲夢中身山  
路烏驟穩煙波畫檝新村村有花柳無事即尋春

小舟遊西涇度西岡而歸

小雨重三後餘寒百五前聊乘瓜蔓水閒泛木蘭船雪  
暗梨千樹烟迷柳一川西岡夕陽路不到又經年

雨後絕涼偶作

槐陰日色薄桐葉雨聲長林下有餘適城中無此涼浮  
瓜寒水碧斲藥小鉏香未許陶潛達華簪何足忘

通本集  
同疑滴

陶詩  
云聊

用忘  
華簪

龜堂自詠

采藤持織履，剝楮治爲冠。看劍心空壯，騎驢骨本寒。病  
多辭酒伴，老甚解祠官。予十月奉祠歲賴有扁舟在，秋  
濤萬里寬。

立冬日作

室小財容膝，牆低僅及肩。方過授衣月，又遇始裘天。寸  
積篝爐炭，銖稱布被綿。平生師陋巷，隨處一欣然。

舍北野望

斷壠圍蔬圃，枯桑繫釣查。經行橋獨木，佇立路三叉。野

卉棲孤蝶，平川起亂鴉。檣筇無定處，典盡卽還家。

春晚苦雨

垂老臥邨墅，餘寒欺病身。雞猶未忘旦，雨欲不容春。忽  
忽花時過，茫茫草色勻。尊絲已上市，一飯未傷貧。

致仕後述懷

彈冠紹興末，解組慶元中。灑瀕危塗過，邯鄲幻境空。聞  
傳相牛法，醉挾鬪雞翁。衝雨歸來晚，山花滿笠紅。

新秋

秋氣入清笳，旗亭酒可賒。長歌穿小市，短帽插幽花。溪  
女留新蟹，園公餉晚瓜。誰知閒老子，解作醉生涯。

秋陰

淡日披朝霧，輕雲結暮陰。菰蒲溪路暗，松竹草堂深。妙墨雙鉤帖，奇聲百衲琴。古人端未遠，一笑會吾心。

逆旅書壁

騎驢萬里行，歲一過秦城。下杜賁春酒，新豐聞曉鶯。綠槐新巷陌，白骨幾公卿。欲覓曲江水，連雲禾黍生。

舟中作

沙路時晴雨，漁舟日往來。村村皆畫本，處處有詩材。炊黍孤煙晚，呼牛一笛哀。終身看不厭，岸幘興悠哉。

霜寒不能出戶偶書

垂老仍多病，濃霜得快晴。猶能授菊醉，今年約晚十月未猶有花負探梅行。篝火烘裘暖，油燈潑眼明。小兒殊可喜，和我讀書聲。

晚步舍北歸

昨日海棠開，今朝燕子來。偶行沙際去，却傍柳陰回。酒是治愁藥，書為引睡媒。吾生不乏此，此外物信悠哉。

題齋壁

出郭無十里，結廬纔數間。每將窮博健，不遣樂妨閒。賣藥雲邊市，尋僧雨外山。何妨搖楫去，却作跨驢還。

山家

種藥爲生業，彈琴悅性靈。中宵煮白石，平日誦黃庭。茶熟眠初起，兒扶酒半醒。意行無定處，猿鳥共忘形。

湖塘晚眺

病起閒無事，時來古渡頭。烟中賣魚市，月下采蓮舟。帆鼓娥江晚，菱歌姥廟秋。長吟無傑句，聊以散吾愁。

山園書獨白

山近雲生易，人稀鳥下頻。瘦篁穿石竅，古蔓絡松身。熟摘巖邊果，乾收澗底薪。經過不相識，喚作避秦人。

村舍

生理嗟彌薄，吾居久未完。蝶飛窗紙碎，龜坼壁泥乾。小

雨牛欄溼，微霜碓舍寒。晚禾蟲獨少，鄰里共相寬。今年晚禾

苦蟲蛇于鄉獨免

秋晚村舍雜咏

村巷霧桑麻，蕭然野老家。園丁種冬菜，鄰女賣秋茶。啄木矜奇服，牽牛蔓碧花。一樽雖艸艸，笑語且喧嘩。

秋晚年中熟，湖鄉未寂寥。步頭橫画舫，柳外出朱橋。潮壯知多蟹，霜遲不損麩。家家新釀美，鄰里遞相邀。

小立

紅樹園廬晚，碧花籬落秋。荒陂船護鴨，斷岸笛呼牛。酒賤村村醉，山寒寺寺幽。聊須岸鳥嘖，小立埭西頭。

秋晚寓歎

老歎交朋盡，閒知日月長。著書終覆瓿，得句漫投囊。霜  
樹昏鴉黑，風簾小蝶黃。村醪如水薄，也復答年光。  
十月丹楓岸，三家小麥村。山多妨極目，秋晚易消魂。火  
舉船過埭，人行犬吠門。窮愁已如許，那更雨昏昏。

九月十八日至山園，是日頗有春意。

烏藤真好友，伴我出荆扉。落葉紛如積，鳴禽暖不歸。露  
濃松鬣長，土潤木苗肥。未盡幽尋興，還家趁夕暉。

辛酉冬至

今日日南至，吾門方寂然。家貧輕過節，身老怯增年。  
俗鄉

月本集  
作里

謂喫冬至飯，即添一歲。畢祭皆扶拜，分盤獨早眠。惟應探春夢，已  
繞鏡湖邊。

道室書事

榻上一琴橫，中函太古聲。丹砂燒已死，芝艸種初生。道  
勝魔軍破，方靈疾豎平。明朝有蜀使，細字報青城。

初春雜興

故歲愁聽雨，新春剝得晴。暖催紅藥鬧，漲入綠池平。遊  
馬行爭路，華燈賣滿城。江村獨無事，戶戶及時耕。

壬戌正月十四日

老子居然健，上元如許晴。湖平波不起，天濶月徐行。散

髮漁舟穩臨風野笛清安能擁笳鼓萬里將幽并

春晚

萍葉青浮水蛙聲開徹明川雲時聚散天氣半陰晴杏  
子爭梅結鳩巢後鵲成吾儕亦有役過社更深耕

溪上

散髮倚胡牀風生水面涼單衣縫白紵雙屨織青芒道  
有青荷葉猶微赤藤花已半黃歸來村路晚漁火耿蒼  
茫

無客

今日了無客翛然塵柄閒硯涵鴈鴒眼香斲鷓鴣斑木

落風初勁雲低雨尚慳西湖未暇到臥看曲屏山

出東城並江而歸

上車容假寐出郭當閒遊遠笛臨風起高帆到岸收人  
歸花市路客醉酒家樓徑就東窗臥孤燈欲話愁

河橋晚歸

曲巷連新市層樓近小橋青帘猶滴雨綠浦恰通潮簾  
影晴方見笙聲冷未調斜陽覓歸路偏愛玉聰驕

宿北錢清

睡時理舟楫甲夜泊錢清壘餅依然美店家壘麵有名  
已六十年矣漁燈特地明酒旗闌道出風浪拍船鳴未說鄉閭喜江



山亦有情

遊山

久客喜歸，舍况逢秋氣，新聊棄行，蝶子閒覓住菴人，道  
士青芒履，高僧白氎巾，更須苔井水，一為濯京塵。

舟中作

野老元無事，乘閒偶一來，微風市樓，笛落日寺街，槐梨  
大圍三寸鱸肥，疊四腮，鄰船不識面，呼與共銜杯。

法雲寺

不到法雲久，秋高初一來，厨供菰白美，池蘸水紅開，橋  
畔逢遊衲，雲邊數過梳，同遊恨歸早，珍重約尋梅。

本集作  
居雜

幽居

獨往成初志，安恬謝世紛，名書硬黃紙，古硯熨焦紋，雨  
作沾琴薦，風來散鷺羣，豈無朝市事，塞耳未曾聞。

出行湖山間雜賦

魚市樵風口，樵風溪港名茶村穀雨前，柳邊烟掩苒，堤上草

芊眠，墓掃鴉銜肉，人歸鷺導船，東風吹短髮，得句為誰  
妍。

遊山戲作

晚境頻辭祿，窮居旋學耕，量衰添酒敵，才盡減詩名，風  
月成交友，溪山管送迎，登車雨先止，天豈相吾行。

徂歲

徂歲風烟慘，幽居市井遙。餽香炊薏米，泉潔煮芎苗。野  
廟迎神晚，村船過埭囂。西窗一樽酒，亦足慰無聊。

春晴

春如人易老，愁與漏俱長。酒著多思睡，花熏直欲狂。新  
晴乾蝶翅，微暖滑鶯吭。誰見龜堂叟，搢藤送夕陽。

春興

暖靄催桑眼，晴光長草心。沙平看臥犢，密葉聽鳴禽。買  
酒貧為崇，登山病不禁。終年惟一褐，捫蝨又春深。

初夏幽居雜賦

靈華本  
奈同疑

過盡一春雨，園林氣少和。偶然扶柳栗，復爾坐盤陀。小  
草數行，字殘花一曲。歌公卿非傲汝，無奈愛閒何。  
籬落魚池北，房權道院東。水紋藤坐榻，山字素屏風。采  
藥松岡近，投竿荻浦通。悠然搔短髮，心事寄冥鴻。

梅市道中

雨暗山陂，路人喧古渡。頭廟垣新，画馬村笛遠。呼牛買  
飯，請爭席迎潮。競解舟，平生苦吟處，又送一年秋。

枕上

熒熒地爐火，煮藥土牀前。高帝老朝士，長安舊少年。松  
高露時滴，城遠鼓猶傳。拋擲百年事，且安殘夜眠。

高峯山中  
草閣留雲宿，溪橋引鶴行。身閒詩曠逸，心靜夢和平。石乳無時滴，松肪徹夜明。山中足幽趣，不是傲公卿。

雜感

春晚晴還雨，杯深醉復醒。溪添牛篙綠，山可一窗青。藥品隨長鏡，花名記小屏。閒身幸無事，吟嘯送餘齡。

溪園

跌宕欲忘形，溪園半醉醒。靜看猿哺果，閒愛鶴梳翎。矮榻水紋簾，虛齋山字屏。更須新月夜，風露對青冥。

地僻

地僻臨湍瀨，門幽長綠苔。客書疑誤達，僧刺媿虛來。清露蘋花坼，斜陽燕子回。自憐猶有恨，佳日對空壘。

小秋懷

客思殘荷外，農功晚稻前。祭多巫得職，稅足吏無權。浦澗家家釣，村墟點點煙。歸舟葛衣薄，始覺是秋天。

舟中

捩柂柯橋北，維舟草市西。月添霜氣峭，天帶斗杓低。浦凍無魚躍，林深有鶴棲。不嫌村酒惡，也復醉如泥。

袖手

袖手地爐，傍身閒日自長。窗明蠹簡，字簾約篆盤，香道  
士傳琴譜，山僧送藥方，自然塵事遠，不用濯滄浪。

寄隱士

乳竇寒猶滴，巖扉夜不扃。奇書窺鳥跡，靈藥得人形。浩  
浩天風積，冥冥海氣清。儻逢王內史，更爲乞黃庭。

西村晚歸

小塢花垂盡，平堤艸次迷。日長鶯語久，風定絮飛低。子  
響聞碁院，舟橫傍釣溪。歸途不知處，依約埭東西。

晚雨

萬里雙屐屨終年，一布裘病侵消壯志。醉著失閒愁，琴  
料憑僧問，巢居與鶴謀。晚來疎雨過，探借北窗秋。

夏日雜詠

閒居自無客况，復暑如焚。百折赴溪水，數峯當戶雲。幽  
尋窮鹿徑，靜釣雜鷗羣。舊愛南華語，今方踐所聞。

秋近頗有涼意

平旦麪數箸，晡時飯一杯。枝梧長日過，悵望早秋來。團  
扇尋詩寫，緇巾借樣裁。惟應水邊坐，待得市船回。

題僧菴

細路穿雲塢，危橋度野塘。人稀土花碧，屋老瓦松長。憂

患雙蓬鬢裝資一布囊燒薪藉餘暖今夜有新霜

泛舟至蜻蜓浦小泊漁邨

醉泛蜻蜓浦咿啞一鷓聲陂塘秋水瘦墟落草烟生野  
店曾留醉樵翁不記名相逢雖惘惘懷抱已先傾

八十四吟

七十人稀到吾過十四年交遊無輩行懷抱有曾玄飲  
敵騎鯨客行追縮地仙城南春事動小蹇又翩翩

書適

細讀養生主長歌歸去來山僧借水品溪父送琴材病  
退稀求藥身閒日探梅今宵喜無寐岷下有書回

郊行

山色掃石黛江流漲麴塵春晴不終日老病動經旬竹  
密有啼鳥村深多醉人東阡與南陌處處寄閒身

異夢

山中有異夢重鎧奮雕戈敷水西通渭潼關北控河淒  
涼鳴趙瑟慷慨和燕歌此事終當在無如老死何

秋懷

火食非初志衣塵每自哀危途觸灑瀕歸興薄蓬萊蒲  
客傳琴調高僧乞藥栽人間豈不好病眼自慵開

秋來益覺頑健時一出遊意中甚適雜賦五字

疑本集

輕裝兩衣及假寢，一胡床喚渡江樓。下逢僧縣驛，傍橫  
林生夕靄孤蝶弄秋光。老慣人間事，無詩寄斷腸。

農家

租犢畊蕎地，呼船取荻薪。蒼頭供井臼，赤脚解縫紉。僧  
乞銘師塔，巫邀賽土神。心常厭多事，謝病又經旬。

舍傍晚步

養疾便居僻，尋幽喜雨晴。偶因將鹿出，遂作放魚行。木  
落槍初見，潦收灘自生。霜清念遊行，漸擬問山程。

書壁

故里還初服，明恩念老農。方蒙鏡湖賜，又忝涓川封。炊

粟猶支日，藏蔬可御冬。霜天病益減，高枕聽鄰鐘。

春老

春色垂垂老，山家處處忙。園丁賣菰白，蠶妾采桑黃。侯  
雨占秧信，催兒築麥場。醉眠官道上，人為護牛羊。

明日復欲出遊而雨再用前韻

小艇爭浮浦，幽人獨倚扉。新泥添燕壘，細雨溼鷺衣。甚  
紫桑新暗，秧青水正肥。欣然語鄰父，投老得相依。

暇日登東岡

雙履青芒滑，輕衫白苧涼。雲生半巖潤，麝過一林香。童  
子持碁局，厨人饋粟漿。歸來更清絕，淡月滿林塘。

履本集  
作履

幽事

衰翁喜幽事，闔戶不升堂。酒僅三蕉葉，琴纔一履霜。東坡自能飲三蕉葉，范文正公酷好琴，好遊力不給，愛客病止，彈履霜一曲，時謂之范履霜。相妨獨有詩情在，年來亦漸忘。

湖上夜賦

清絕追涼地，平生得未曾。似嘗仙掌露，如嚼玉壺冰。狂學菱舟曲，閒尋竹院僧。更思生羽翼，散髮醉巴陵。

秋夕書事

點點秋燈晚，翻翻宿鳥還。雨添羈枕睡，書伴小窗閒。僧閣荒寒外，漁村縹緲間。畫工今代少，誰為寫家山。

縱筆

天下本無事，吾生行且休。關心惟酒盞，入眼獨漁舟。雁過三湘曉，雲開二華秋。慙慙驛樓柱，小草記曾遊。

寓歎

小隱終非隱，休官尚是官。早知農圃樂，不見道途難。故國雞豚社，貧家菽水歡。至今清夜夢，猶覺畏濤瀾。

臥病

終日常辭客，經秋半在床。愛窮留作伴，諳病與相忘。竈婢工烹粥，園丁習寫方。久病家人作粥，遂佳。蓋朝夕常為之也。又有山僕本不識字，因久合藥，遂能寫。藥方數大篇。今朝有奇事，久雨得窗光。

歸本集  
同本集  
詩是平  
漏是平  
再集亦  
疑有亦

柯山道上作

道路如繩直，郊園似砥平。山為翠螺踊，橋作彩虹明。午酌金丸橘，晨炊玉粒粳。江村好時節，及我疾初平。

江路

江路最初程，飄然兩屨輕。少留雲際宿，徐待月明行。雁起平沙影，泉輕斷岸聲。誰知遊剡興，不減上青城。

過大蓬嶺度繩橋至杜秀才山莊

以下排律

度笮臨千仞，梯山躡半空。濕雲朝暮雨，陰壑古今風。亭觀參差見，闌干詰曲通。柳空叢篠出，松偃翠蘿蒙。負籠銀釵女，鉏畚鶴髮翁。何由有餘俸，小築此山中。

幽居院

久墮塵沙裏，幽尋始此行。侵雲千嶂合，披草一僧迎。蘇澗泉時滴，崖傾竹倒生。登高忽平曠，回首失崢嶸。老矣猶孤客，歸哉念耦耕。結廬殊未定，此地頗關情。

秋雨排悶

今夏久無雨，從秋却少晴。空濛迷遠望，蕭瑟送寒聲。衣潤香偏著，書蒸蠹欲生。壞簷聞瓦墮，漲水見堤平。溝溢池魚出，天低塞雁征。螢飛明閣廡，蛙鬧雜疎更。藥醖時須焙，舟閒任自橫。未憂荒楚菊，直恐敗吳杭。夜永燈相守，愁深酒細傾。浮雲會消散，鼓笛賽西城。



冬日出遊十韻

吳會寒常薄，冬深略未冰。  
荒郊觀雉鬪，大澤見魚騰。  
釣艇頻容借，籃輿漸可乘。  
有時穿密篠，隨處倚枯藤。  
金石秦遺刻，衣冠禹舊陵。  
叢祠祈臘雪，小市試春燈。  
問路鉏畬叟，爭橋乞供僧。  
疎狂違俗久，衰疾與年增。  
干祿雖知恥，懸車媿未能。  
階官有微俸，醉髮任鬅髻。

